



Na osnovu člana 2.9 stav (1) tačka 17. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07, 33/09, 24/13 i 32/14), Centralna izborna komisija Bosne i Hercegovine je na 15. sjednici, održanoj 26.04.2018.godine, donijela

**ODLUKU**  
**o logu Centralne izborne komisije Bosne i Hercegovine**  
**koji će se koristiti za Opće izbore 2018. godine**

**Član 1.**  
**(Predmet)**

Ovom odlukom utvrđuje se izgled loga koji će Centralna izborna komisija Bosne i Hercegovine koristiti za Opće izbore 2018. godine.

**Član 2.**  
**(Sadržaj i izgled)**


- (1) Logo se sastoji od pravouglog trougla čije stranice su crne boje s bijelom površinom i nalazi se u pozadini loga. Pravi ugao trougla se nalazi u gornjem desnom dijelu. U unutrašnjem dijelu gornje stranice trougla nalazi se riječ „IZBORI“ latiničnog pisma, žute boje, čije slovo „O“ je stilizirani znak u obliku kvadratića s kvačicom, što simbolizira izbore i glasanje. U srednjem dijelu trougla nalazi se broj „2018“ plave boje, koji predstavlja godinu održavanja izbora. U donjem dijelu trougla nalazi se riječ „IZBORI“ ćirilicnog pisma, žute boje, čije slovo „O“ je stilizirani znak u obliku kvadratića s kvačicom, što simbolizira izbore i glasanje.
- (2) Logo crno - bijele boje je u sivo - crnim nijansama, sa istim sadržajem teksta i rasporedom kao i na logu u boji iz stava (1) ovog člana.
- (3) Logo Općih izbora 2018. godine Centralne izborne komisije Bosne i Hercegovine izgleda kako slijedi:



**Član 3.**  
**(Stupanje na snagu i objava)**

Ova odluka stupa na snagu danom objave u „Službenom glasniku BiH“, a objavit će se i na internet - stranici Centralne izborne komisije BiH [www.izbori.ba](http://www.izbori.ba).

Broj: 05-1-02-3-456-1 /18  
Sarajevo, 26.04.2018. godine



Predsjednica

Dr. Irena Hadžiabdić